



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 77. Ordo sedendi stabilitus.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV.
A.C. 1438. nius, utpote ceteris Cardinalibus anti-
quiorem, Præsidem Concilii nominavit
quædam statuta fuere condita de modo
quem Cardinales, Episcopi, & Regum
ac Principum Oratores, necnon Curia
Romanæ Ministri observarent.

§. LXXVII.

Ordo sedendi stabilitus.

Sequens igitur erat ordo præscriptus:
Cardinales, Patriarchæ, Archiepiscopi,
& Episcopi sedeant secundum digni-
tatum suarum jura, ac ordinationum
tempora, quatuor Patriarchalibus sedi-
bus tantummodo exceptis, quæ juxta ju-
ris dispositionem suam quæque locum
occuparent. Abbates generales, qui alios
sibi subjectos haberent, mox primum
ab Episcopis, Electisque confirmatis ob-
tineant juxta tempus, quo inaugurati
fuerant. Prælati majores, qui simul Re-
gum ac Principum Oratores essent, in e-
dem gradu & ordine sedendi præce-
dant ceteros Prælatos Oratorum præro-
gativa destitutos (Patriarchis duntaxat
exceptis); Oratores autem non Prælati
ac Laici cujuscunque Ordinis in nave in-
ferioris Ecclesiæ a dextris & a sinistris
collocentur. Ceteri omnes Officiales Cu-
riæ, Generales Ordinum, Episcoporum
absen-

absentium, & Capitulum Procuratores, ^{Sæcul. XV.}
 Doctores, Advocati &c. prout in ceteris ^{A. C. 1438.}
 Conciliis ordinatum, sedeant: sancitum
 quoque, ut sive quis altero prior, sive lo-
 co posterior esset, nulli tamen Ecclesiæ,
 vel Prælato, Regi aut Principi seu Com-
 munitati inde jus acquireretur, vel præ-
 judicium nasceretur.

§. LXXVIII.

Sessio II. Ferrariensis Concilii.

Duabus aliis Congregationibus unde ^{Acta Patric.}
 cima, & decima quarta Februarii ^{to. 12. Conc.}
 habitis causæ, quæ in proxima Sessione ^{p. 1555.}
 tractarentur, matura deliberatione dis-
 cussæ fuerunt. Sessio hæc ordine secun-
 da die Sabbati decima quinta Februarii
 celebrata legitur, præside ipsomet Euge-
 nio Pontifice, ac præsentibus septuagin-
 ta duobus Episcopis, ut testatur Justinia-
 nus. Igitur re divina per Cardinalem
 S. Marci solemniter peracta Episcopus
 Forojuliensis seu Foroliviensis, nomine
 Aloysius (alii Ludovicum appellant ex
 Ordine FF. Minorum) ambonem con-
 scendit, ac sequens decretum perlegit,
 publicavitque.

§. LXXIX.